

【海印三昧】（科註第七七〇頁倒數第三行）

《佛學大辭典》「海印」（節錄）：（術語）

佛所得之三昧名。如於大海中印象一切之事物，湛然於佛之智海印現一切之法也。

大集經十五曰：「譬如閻浮提一切眾生身及餘外色，如是等色，海中皆有印像。以是故，為大海印。」

還源觀曰：「言海印者，真如本覺也。妄盡心澄，萬像齊現，猶如大海由風起浪。若風止息，海水澄清，無像不現。」

華嚴經鈔二曰：「如說法華依無量義處三昧，說般若經依等持王三昧，說涅槃經依不動三昧，故說諸經，多依三昧，今說此經，依何三昧？即海印三昧。」

【大圓鏡智】（科註第七七〇頁倒數第三行）

《佛學大辭典》（節錄）：（術語）顯教四智之一。諸大乘教

說如來之四智。凡夫之第八識至於如來，為大圓鏡智。

大圓鏡者。喻也，其智體清淨，離有漏雜染之法，自眾生善惡之業報，顯現萬德之境界，如大圓鏡。故名大圓鏡智。

心地觀經二曰：「轉異熟識（阿賴耶識也）得此智慧，如大圓鏡，現諸色像。如是如來鏡智之中，能現眾生諸善惡業。以是因緣名為大圓鏡智。〔中略〕常能執持無漏根身，一切功德為所依止。」